

დამტკიცებულია:  
სსიპ ილია წინამძღვრიშვილის სახელობის  
საზოგადოებრივი კოლეჯის  
დირექტორის  
2018 წლის 27 თებერვალი ბრძანებით N 04-16  
დანართი N-1  
დირექტორი: თ. ასათიანი



## საწარმოო პრაქტიკის ორგანიზებისა და ანაზღაურების წესი

### მუხლი 1. საწარმოო პრაქტიკა

1. საწარმოო პრაქტიკის მიზანია სსიპ ილია წინამძღვრიშვილის სახელობის საზოგადოებრივი კოლეჯში (შემდგომში - კოლეჯი) მიმდინარე პროფესიული საგანმანათლებლო პროგრამების ფარგლებში პროფესიული სტუდენტებისათვის პრაქტიკული ცოდნისა და უნარების გამომუშავება;

### მუხლი 2. საწარმოო პრაქტიკის ობიექტები

1. საწარმოო პრაქტიკის განხორციელების მიზნით პროფესიული სტუდენტების განაწილება მოხდება კოლეჯის პარტნიორ საწარმოებში.

### მუხლი 3. საწარმოო პრაქტიკის განმახორციელებელი პირი

1. საწარმოში საწარმოო პრაქტიკის განხორციელებას უზრუნველყოფს:

- ა) კოლეჯთან დადებული შრომითი ხელშეკრულების საფუძველზე შესაბამისი უფლებამოსილების განმახორციელებელი საწარმოო პრაქტიკის ხელმძღვანელი;
- ბ) უშუალოდ საწარმოში დასაქმებული პირი, რომელიც აღჭურვილი იქნება საწარმოო პრაქტიკის ხელმძღვანელის ფუნქცია-მოვალეობებით;

### მუხლი 4. საწარმოო პრაქტიკის ხელმძღვანელის ფუნქცია-მოვალეობები

1. საწარმოო პრაქტიკის ხელმძღვანელი:

- ა) უზრუნველყოფს პროფესიული სტუდენტების განაწილებას საწარმოში;
- ბ) ათანხმებს საწარმოში პროფესიულ სტუდენტთა ვიზიტის განრიგს და აღნიშნულ ინფორმაციას აწვდის კოლეჯის ადმინისტრაციას (სასწავლო პროცესის მენეჯერს);
- გ) ახორციელებს ყოველკვირეულ (კვირაში ერთხელ) ვიზიტს საწარმოში პროფესიულ სტუდენტთა დასწრების მონიტორინგის მიზნით და ვიზიტის შედეგების შესახებ ინფორმაციას აწვდის კოლეჯის ადმინისტრაციას (სასწავლო პროცესის მენეჯერს);
- დ) ამოწმებს პროფესიულ სტუდენტთა საწარმოო პრაქტიკის დღიურებს;

ე) აფასებს პროფესიულ სტუდენტებს საწარმოო პრაქტიკის კომპონენტში.

**მუხლი 5. საწარმოო პრაქტიკის ხელმძღვანელისათვის ანაზღაურების გაცემის წესი**

1. საწარმოო პრაქტიკის ხელმძღვანელს საწარმოში ვიზიტი აუნაზღაურდება სამი აკადემიური საათის ოდენობით, საწარმოში ვიზიტის დამადასტურებელი დოკუმენტის საფუძველზე;
2. ანაზღაურების ოდენობა თითო აკადემიური საათისათვის განისაზღვრება საწარმოო პრაქტიკის ხელმძღვანელთან გაფორმებული შესაბამისი შრომითი ხელშეკრულებით.

**მუხლი 6. საწარმოსათვის ანაზღაურების გაცემის წესი**

1. საწარმოო პრაქტიკის განხორციელების მიზნით საწარმოსათვის ანაზღაურება განისაზღვრება საქართველოში მოქმედი კანონმდებლობისა და კოლეჯსა და საწარმოს შორის გაფორმებული ხელშეკრულების ასფუძველზე.